

CADANGAN JAWAPAN

PENILAIAN

Unit 1

A

1.
 - Bermain permainan tradisional seperti konda kondi, gasing, dam, guli dan lain-lain.
 - Aktiviti permainan dibuat di luar rumah bersama-sama dengan rakan-rakan.
 - Menggunakan peralatan semula jadi seperti tin kosong, ranting kayu dan lain-lain.
2. Terdapat permainan yang sesuai dan yang kurang sesuai. Permainan bergantung pada cara seseorang individu bermain mengikut batas-batas tertentu.
3.
 - Mewujudkan sikap positif dalam pergaulan.
 - Membina hubungan baik sesama anggota masyarakat.
 - Mengekalkan warisan tradisi sesuatu kaum.
 - Membentuk individu yang bertingkah laku bersesuaian dengan norma masyarakat.
4. Individu bersikap individualistik dengan bertindak mementingkan diri sendiri dan mengabaikan kepentingan orang lain.

Unit 2

A

1.
 - Penaakulan Moral
Saya akan berfikir rasional dan memikirkan jalan penyelesaian yang terbaik.
 - Emosi Moral
Saya akan mengawal perasaan dan menenangkan diri terlebih dahulu.

- Perlakuan Moral
Saya akan mencari pemandu kereta tersebut atau meninggalkan nombor telefon saya pada kereta tersebut.

2.

- Supaya tidak berlaku perselisihan faham antara dua pihak.
- Supaya dapat membantu mangsa jika kawasan kemalangan tersebut sunyi dan tiada pemandu lain.

B

Revolusi Perindustrian 4.0 ialah satu revolusi baharu yang akan memberikan lebih banyak kemudahan kepada kehidupan manusia sekali gus meningkatkan produktiviti ekonomi, perkhidmatan dan sektor lain yang boleh diterjemahkan melalui teknologi pintar. Walau bagaimanapun, revolusi ini mempunyai cabarannya yang tersendiri dalam melahirkan generasi yang berkeperibadian mulia.

- Revolusi baharu boleh menyebabkan perubahan budaya, amalan nilai dan corak hidup yang bercanggah dengan budaya ketimuran dan penghayatan agama atau kepercayaan.
- Penghapusan batasan sempadan negara boleh mempengaruhi keperibadian remaja yang akan mudah terpengaruh dengan budaya luar yang negatif.
- Laman sesawang negatif dan tidak bermoral lebih mudah dilayari yang akan mempengaruhi minda dan fizikal manusia
- Kes pencerobohan alam siber oleh penjenayah siber akan berlaku dengan semakin dan berleluasa.

Unit 3

A

1. i. Prinsip Keadilan

- Penyeludupan dadah merupakan tindakan yang menyalahi undang-undang.
- Tidak ada sesiapa yang boleh terlepas daripada tindakan undang-undang dan patut dikenakan dengan hukuman yang sewajarnya.

ii. Prinsip Keprihatinan

- Kita patut memahami perasaan seorang wanita yang menjadi mangsa kerana ditipu oleh individu yang tidak bertanggungjawab.
- Pihak berkuasa sepatutnya prihatin dengan situasi wanita tersebut dan dapat memberikan pertimbangan yang sewajarnya.

2.

- Jenayah akan semakin berleluasa dan masyarakat akan berasa bimbang dengan keselamatan mereka.
- Semakin ramai wanita yang akan menjadi mangsa individu yang tidak bertanggungjawab
- Ketenteraman awam terjejas.

3. Bertanggungjawab – Setiap individu bertanggungjawab terhadap tindakannya supaya tidak terlibat atau bersubahat dengan jenayah.

Rasional – Berfikir dengan rasional ketika menerima tawaran yang besar supaya tidak mudah tertipu.

Kesederhanaan - Tidak keterlaluan dalam membuat keputusan supaya kepentingan diri dan keluarga dapat dijaga.

4.

- Sentiasa berhati-hati apabila berurusan dengan individu yang tidak dikenali.
- Berbincang dengan anggota keluarga sebelum membuat apa-apa keputusan
- Sentiasa peka dengan kumpulan yang cuba menipu orang ramai.

B

Tidak Wajar

- Pihak penganjur patut menyiasat perkara sebenar sebelum menjatuhkan hukuman kepada murid tersebut.
- Penganjur patut mengambil kira sumbangan murid tersebut sebelum menjatuhkan hukuman.

Wajar

- Anggota pengakap perlu sentiasa mematuhi peraturan yang ditetapkan.
- Jika murid tersebut dibebaskan, anggota pengakap lain akan cuba melanggar peraturan.
- Memastikan aktiviti yang telah ditetapkan berjalan lancar.

Unit 4

A

1.

- Mengumpulkan bukti, terutamanya transaksi yang berlaku.
- Memaklumkan perkara yang berlaku dan berbincang dengan anggota keluarga terdekat.
- Membuat laporan polis.
- Memaklumkan kepada pihak bank agar menghentikan sebarang transaksi akaun lain yang melibatkan aktiviti penipuan tersebut.

- Memohon mendapatkan perkhidmatan psikiatri jika menghadapi kemurungan kerana menjadi mangsa penipuan.

2.

- Ancaman keselamatan terhadap diri, keluarga dan harta benda.
- Menghilangkan keyakinan diri dan menyebabkan kemurungan.
- Berlakunya kebocoran maklumat diri dan terdedah pada manipulasi maklumat.

3.

- Sentiasa memikirkan kesan baik dan kesan buruk bagi setiap tindakan yang diambil ketika menggunakan kemudahan teknologi maklumat dan komunikasi.
- Menggunakan kemudahan teknologi maklumat dan komunikasi dengan mematuhi peraturan dan undang-undang.
- Menggunakan kebebasan penggunaan teknologi maklumat dan komunikasi dengan batasan tertentu.
- Tidak keterlaluan dalam penggunaan teknologi maklumat dan komunikasi.

Unit 5

A

1.

- Menyalahgunakan penggunaan kad pengenalan orang lain.
- Membocorkan soalan peperiksaan awam.
- Pemalsuan tandatangan dalam mana-mana dokumen rasmi.
- Membocorkan rahsia negara kepada negara asing.

2.

- Penyalahgunaan kuasa akan berlaku.

- Negara menjadi huru-hara.

- Perselisihan faham antara rakyat akan berlaku.

- Gejala sosial akan berleluasa.

- Rakyat bebas untuk membuat kesalahan.

3.

- Memberikan didikan nilai murni melalui amalan agama atau kepercayaan untuk mengelakkan perbuatan tidak berintegriti.
- Seseorang individu akan takut untuk melakukan perbuatan tidak berintegriti jika mempunyai pegangan agama yang kuat.

B

- Menjatuhkan maruah diri - perbuatan tidak berintegriti boleh menyebabkan seseorang individu ditangkap dan dihukum atas kesalahan yang dilakukan.

- Menjejaskan keharmonian negara - perbuatan tidak berintegriti seperti amalan rasuah boleh menjejaskan keamanan negara.

- Merenggangkan hubungan antara anggota keluarga - anggota keluarga tidak akan mempercayai dan tidak mempunyai keyakinan terhadap individu yang tidak berintegriti.

- Melahirkan individu yang bersikap individualistik - lebih ramai individu akan melakukan perbuatan tidak berintegriti dan mementingkan diri sendiri.

Unit 6

A

1.

- Ibu bapa menjaga dan menyediakan segala keperluan kepada anak-anak.

- Ibu bapa menjaga kesihatan, keselamatan dan kebajikan anak-anak.
- Anak-anak disayangi dan dididik dengan sempurna sehingga menjadi orang yang berguna kepada keluarga dan masyarakat.
- Anak-anak melaksanakan tanggungjawab terhadap ibu bapa yang sudah tua.
- Anak-anak menjaga keperluan harian ibu bapa seperti makanan, tempat tinggal dan kesihatan.
- Ibu bapa sentiasa dihormati dan disayangi.

2.

- Keluarga menjadi tidak harmoni.
- Anggota keluarga saling bermusuhan.
- Kebajikan anggota keluarga terabai.
- Melahirkan anggota keluarga yang tidak bertanggungjawab.

3.

- Anak dididik dengan nilai murni sejak kecil.
- Sikap bertanggungjawab terhadap keluarga sentiasa dipupuk untuk memastikan mereka melaksanakan kewajipan yang diamanahkan.
- Menghargai sumbangan warga tua dalam memelihara kesejahteraan dan keharmonian keluarga.

B

Desakan Hidup Boleh Menyebabkan Integriti Keluarga Tergadai.

- Ibu bapa sibuk dengan pekerjaan hingga mengabaikan anak-anak yang sedang membesar tanpa bimbingan ibu bapa.
- Ibu bapa melakukan dua pekerjaan serentak sehingga keperluan anak-anak terabai dan kurang mendapat kasih sayang yang boleh menyebabkan hubungan antara anggota keluarga menjadi renggang.

- Anak-anak dipaksa untuk menumpukan perhatian terhadap pelajaran semata-mata dan tidak berpeluang untuk beriadah.
- Pengaruh media sosial menambahkan jurang komunikasi antara anggota keluarga.
- Ibu bapa yang gagal mengawal perasaan melepaskan tekanan terhadap anak-anak.

Unit 7

A

1. Sifat wajar bagi manusia untuk membantu dan mengamalkan sikap tolong-menolong, terutamanya kepada mereka yang ditimpa musibah.
2.
 - Kebajikan mereka yang dilanda musibah akan terabai.
 - Kehidupan mangsa yang mendapat musibah semakin susah.
3. Golongan yang susah atau ditimpa musibah akan mendapat pembelaan yang sewajarnya. Mereka tidak akan keseorangan ketika menghadapi kesukaran dengan adanya masyarakat yang prihatin. Tindakan ini akan melahirkan masyarakat yang saling menyayangi dan hidup menjadi sejahtera.
4.
 - Kepercayaan kepada Tuhan bahawa setiap perbuatan baik akan mendapat ganjaran yang baik juga.
 - Baik hati dengan membantu sesiapa sahaja yang berada dalam kesusahan dan yang memerlukan bantuan.
 - Kasih sayang, iaitu mengasihi orang lain dengan menunjukkan rasa simpati dan bertindak membantu mereka yang berada dalam kesusahan.

Unit 8

A

1.

- Sebagai warganegara yang bertanggungjawab, kita harus mencontohi Datin Paduka (Dr.) Mother Mangalam dengan membantu individu yang tidak berkemampuan.
- Kita perlu sentiasa bersedia untuk membantu golongan yang berkeperluan.
- Kita perlu sentiasa berkasih sayang dengan semua orang tanpa mengira kaum, agama, budaya dan bahasa.

2. Nilai kasih sayang dan nilai baik hati. Sebagai warganegara, beliau menjaga kebajikan kanak-kanak berkeperluan dan melindungi hak anak-anak yatim tanpa mengira kaum.

3.

- Memberikan sumbangan wang atau perkhidmatan kepada rumah kebajikan.
- Menjaga alam sekitar.
- Tidak bersangka buruk dengan mana-mana kaum demi keamanan negara.

B.

Tidak wajar menerima tawaran tersebut walaupun boleh menguntungkan saya. Hal ini kerana saya tidak boleh mengabaikan tanggungjawab sebagai warganegara dalam memilih pemimpin negara. Saya mempunyai hak sebagai warganegara dalam negara demokrasi untuk memilih pemimpin negara. Selain itu, saya tidak boleh mementingkan diri sendiri semata-mata untuk keuntungan peribadi.

Unit 9

1.

- Keharmonian dalam kalangan anggota masyarakat akan terjaga.
- Ekonomi negara akan stabil dan negara dapat membangun dalam pelbagai bidang.
- Ekonomi negara bertambah kukuh.
- Rakyat dapat menikmati pelbagai kemudahan yang disediakan.

2.

- Menjalinkan persahabatan dengan rakan pelbagai kaum.
- Menghormati amalan hidup kaum lain.
- Melibatkan diri dalam aktiviti kemasyarakatan.
- Membantu mangsa yang ditimpa musibah tanpa mengira kaum.
- Tidak mudah mempercayai isu sensitif yang disebarkan melalui media sosial.

3.

- Menularkan isu perkauman dalam media sosial yang boleh mewujudkan sikap prejudis.
- Tidak menghormati agama dan budaya kaum lain.
- Kurang bergaul dengan anggota masyarakat yang terdiri daripada pelbagai kaum.

iv. Tidak mempunyai sikap bertolak ansur.

4.

- Rakyat akan saling bermusuhan.
- Pembangunan negara akan terbantut.
- Ketenteraman awam akan terjejas.
- Pelaburan asing akan berkurang.

B.

Wajar

- Aktiviti yang dilaksanakan akan disertai oleh murid pelbagai kaum dapat mewujudkan komunikasi yang baik dalam kalangan murid.

- Bekerjasama dalam melaksanakan sesuatu aktiviti akan mewujudkan suasana harmoni dalam masyarakat.
- Murid akan lebih menghormati apabila dapat mengenali budaya dan amalan kaum lain.

Unit 10

A

1.

- Tidak menguruskan perbelanjaan mengikut keutamaan.
- Membuat pembelian tanpa perancangan yang teliti.
- Tabiat berbelanja menggunakan kad kredit tanpa batasan.
- Sikap mementingkan gaya dan status tanpa mengambil kira kemampuan kewangan yang dimiliki.

2.

- Mempelajari ilmu menguruskan perbelanjaan yang beretika.
- Pendidikan kewangan didedahkan sejak peringkat awal.
- Menekankan kesedaran dalam membuat pembelian mengikut keperluan berbanding kehendak.

3.

- Mengamalkan nilai kesederhanaan perbelanjaan dan tidak boros.
- Sentiasa memikirkan kesan setiap wang yang dibelanjakan.

4.

- Membuat anggaran perbelanjaan mengikut kewangan yang dimiliki.
- Menyediakan senarai barangan dan perkhidmatan yang diperlukan.

- Membeli barangan secara tunai dan mengelak daripada menggunakan kad kredit.
- Tidak mudah terpengaruh dengan iklan jualan murah.
- Membuat dokumentasi untuk setiap perbelanjaan.

5.

Kesan jangka pendek – berdepan masalah kewangan dan menanggung beban hutang yang tinggi.

Kesan jangka panjang – nama disenaraihitamkan dan mengalami kesukaran untuk membuat pinjaman pada masa akan datang. Negara juga akan menanggung beban hutang pengguna yang tinggi.

UNIT 11

A

1.

- Aktiviti tradisi sesuatu kaum dapat diraikan bersama-sama tanpa mengira kaum dan agama.
- Dapat mempelajari keunikan adat dan tradisi kaum lain.

2. Boleh.

- Jika semua rakyat dapat bekerjasama dan bersatu padu untuk mewujudkan persefahaman antara kaum.
- Tidak ada diskriminasi antara kaum dan tidak memandang rendah pada mana-mana kaum lain.
- Dapat mewujudkan satu bangsa yang bersatu tanpa mengabaikan keunikan tersebut.

3.

- Setiap kaum bebas menyambut perayaan masing-masing dan diraikan bersama-sama dengan kaum lain.

- Kepelbagaian keunikan perayaan dapat menarik perhatian pelancong asing yang boleh menjadi kebanggaan negara.

4.

- Merancang dan mengadakan program yang melibatkan pelbagai kaum yang dapat menonjolkan keunikan kaum masing-masing.
- Memberikan galakan kepada rakan untuk mengekalkan keunikan kaum masing-masing.

B.

- Dapat membantu mengekalkan keunikan setiap kaum melalui sambutan perayaan pelbagai kaum.
- Mengelakkan perselisihan faham antara kaum kerana semua kaum dilayan sama rata melalui pemberian cuti umum bersempena dengan perayaan.
- Menggalakkan sesuatu kaum mengenal, menyertai dan menghormati adat dan tradisi kaum lain.
- Menyatupadukan rakyat tanpa mengira kaum, bangsa, budaya dan bahasa.

Unit 12

A

1.

- Aktiviti penyeludupan boleh melumpuhkan ekonomi negara dan mengancam keselamatan negara.
- Pencerobohan perairan menyebabkan sumber negara dicuri oleh warga asing dan menggalakkan aktiviti lanun dan pengganas.
- Ancaman pengganas asing menyebabkan pelaburan asing berkurangan dan sektor pelancongan terjejas.

- Peluang pekerjaan untuk rakyat akan diambil oleh warga asing dan kemudahan awam terpaksa dikongsi dengan warga asing.

2.

- Supaya masyarakat tidak bimbang akan keselamatan diri, keluarga, masyarakat dan negara.
- Pelancong asing akan berkurangan sehingga menjejaskan industri pelancongan.
- Pelabur asing berasa bimbang untuk membuat pelaburan.
- Negara akan dipandang rendah pada peringkat antarabangsa.
- Peluang pekerjaan rakyat tempatan akan terjejas.

3.

i. Hormat

Menghargai sumbangan dan bantuan yang diterima dengan menghormati undang-undang yang ditetapkan.

ii. Patriotisme

Setia akan negara tanpa melibatkan diri dalam aktiviti yang boleh mengancam keselamatan negara.

iii. Kerjasama

Saling bekerjasama dalam membanteras ancaman dari dalam dan luar negara.

iv. Tanggungjawab

Melaksanakan kewajipan sebagai anggota masyarakat yang mencintai keamanan negara.

B.

Pelarian ialah individu yang lari dari negara asal ke negara lain akibat pergolakan politik dan desakan hidup.

Penaakulan Moral

- Individu perlu mempunyai pertimbangan moral supaya pelarian diberi perlindungan

agar dapat meringankan beban mereka dengan menyediakan keperluan asas.

Emosi moral

- Prihatin terhadap keadaan dan keperluan pelarian.
- Menunjukkan perasaan kasihan terhadap pelarian yang terpaksa berpisah dengan anggota keluarga.

Perlakuan Moral

- Menyumbangkan khidmat tenaga, bantuan kewangan atau kebendaan kepada pelarian.
- Memberikan khidmat kepakaran kepada agensi yang membantu pelarian.